

祖刻

上海中医药大学

辛酉年秋印



祖劑卷之一

華亭施

沛沛然父編

素問 澤木麋銜湯

治病酒風身熱解薑汗出如浴惡風少氣

澤瀉

十分

木

十分

麋銜

五分

合以三指撮為後飯

按王太僕云木味甘溫平主治大風止汗

麋銜味苦寒平主治風濕筋痠澤瀉味甘

寒平主治風濕益氣繇此功用

方故先之飯後藥先為之後飯

仲景 澤瀉湯

治心下有支飲其人苦胃眩



澤瀉

五兩

白朮

二兩

右二味以水二升煮取一升分溫再服

仲猪苓散

治嘔吐而病在臍上後思水者解急與之思水者此方主之

猪苓

茯苓

白朮

各等分

右三味杵為散飲服方寸匕日三服

仲茯苓戎鹽湯

即猪苓散去猪苓加茯苓三倍戎鹽彈丸大一枚治小便不利

仲五苓散

治傷寒溫熱病表裏未解頭痛發熱口燥咽乾煩渴飲水或水入即吐或

小便不利及汗出表解煩渴不止者宜服之又治霍亂吐利躁渴引飲并治瘦人臍

下有動悸吐涎沫而顛眩此水也

茯苓

十八銖去皮甘平

猪苓

十八銖去皮甘平

白朮

十八銖甘平

澤瀉

一兩六銖半酸鹹

桂

半兩去皮辛熱

右五味搗為散以白飲和服方寸匕日三服

多飲煖水汗出愈如法將息

成無已云苓令也通行津液冠伐腎邪專為號令者苓之功也又曰甘字从口从一淡者一也甘甚而反淡甘緩而淡滲二苓白朮味俱甘平潤虛燥而利津液鹹味下



泄為陰澤瀉之鹹以泄伏水辛甘發散為陽桂枝之辛甘以和肌表利大便曰攻利小便曰滲泄此太陽膀胱經下藥也太陽病高則汗而發之下則引而竭之使邪從膀胱出也

仲景四苓散

即五苓散去肉桂治濕生于內水瀉小便不利

仲景茵陳五苓散

即五苓散加茵陳一方去肉桂加茵陳名加減五苓散治傷寒

發黃小便不利

仲景猪苓湯

即四苓散去白朮加阿膠滑石治脉浮發熱渴欲飲水小便不利

仲景茯苓澤瀉湯

即五苓散去猪苓加生薑甘草治胃反吐而渴欲飲水者

加味五苓散

即五苓散加車前子生薑燈心
治伏暑及胃濕泄注下或煩或

渴或小便閉澀

山梔五苓散

即本方加山梔子治小兒臍突燈心蜜水調下

金沙五苓散

即本方加海金沙芍藥甘草滑石石韋治五淋

辰砂五苓散

即本方加辰砂治中暑煩渴身熱頭疼霍亂吐瀉山梔赤少精

神恍惚

桂苓白朮丸

即五苓散去猪苓加生薑硝半夏陳皮糊丸又加黃連黃柏為

堅中丸
治煩渴



南京中医药大学图书馆藏

複方

胃苓湯

即五苓散合平胃散治水瀉及夏月感冒暑氣或啖飲日中所晒之物或

坐日中熱處而瀉

春澤湯

即五苓散合四君子湯治無病而渴與病後渴及汗下及霍亂吐瀉津液

去多五內枯燥而煩

甘露飲

即五苓散合益元散去猪苓加石膏寒水石治暑若甘露飲不去猪苓不

加石膏名桂苓甘露飲治暑熱二氣濕瀉注下或煩渴或小便閉澀

桂苓白朮散

即五苓散合益元散加寒水石石膏治胃暑濕熱吐瀉轉筋腹痛



南京中医药大学图书馆

靈樞
半夏湯 治邪客藏府陽盛陰虛目不能瞑

秫米

一升

半夏

五合

用千里外來流水八升揚之萬遍取其清
升入二味炊以葦薪徐炊令竭爲一升半去
其滓飲汁一小盃日三稍益以知爲度其病
新發者覆盃則取汗出則已矣久者三飲而
已也

愚按本草半夏味辛平秫米味甘微寒內
經曰以辛散之以甘緩之難經曰陽蹻爲



病陽緩而陰急陽盛故以辛散之陰急以甘緩之流水取其動而不居葦薪取空而不窒正經所謂決瀆壅塞經絡大通陰陽和得者也

仲景

大半夏湯

治胃反嘔吐者

半夏

二升

人參

三兩

白蜜

一升

右三味以水一斗二升和蜜揚之二百四十

遍煮藥取二升半溫服一升餘分再服

仲景

小半夏湯

嘔家本渴渴者為欲解今反不渴心下有支飲故也此方主之

半夏

一升

生薑

半觔



右二味以水七升煮取一升半分温再服

名半夏生薑
湯治嘔欲絕

仲景半夏散及湯方
半夏桂枝甘草各等分治少陰病咽中痛

半夏生薑大黃湯
即生薑半夏湯加大黃治反胃

仲景半夏麻黃丸
即小半夏湯去生薑加麻黃等分蜜丸如小豆大每服三丸治

心下悸者

千緡湯
即小半夏湯加皂角一寸治痰涎上湧喉中有聲

仲景小陷胸湯
即小半夏湯去生薑加黃連一枚治小結胸病在心下



按之
痛者

仲景
生薑半夏湯
即小半夏湯半夏止用半升生薑汁一升以水三升煮半升取

二升內生薑汁煮取一升半小冷分四服
日三夜一服病已止服治病入胸中似喘
不喘似嘔不嘔似噦不噦心中憤憤然無
奈者元戎方二味止各三錢量水煎至

七分服止嘔
吐開胃消食

仲景
半夏乾薑散
半夏乾薑各等分杵為散取方寸匕漿水一升半煎取七合頓

服之治乾嘔吐逆吐涎沫者二味等分
為末生薑和汁為丸桐子大溫中丸每

服二十九丸木瓜湯下治
脾寒嘔吐咳嗽自利



仲景

小半夏加茯苓湯

即小半夏湯加茯苓三兩
治卒嘔吐心下痞滿問有

水眩悸者活人名大半
夏湯治痰飲脾胃不和

消暑丹

半夏一觔茯苓半觔生甘草半觔
醋五升煮半夏盡醋晒乾薑汁作糊

無見生水每服五十丸熱水送下治傷暑
諸證藥下即甦且止渴利小便并治痰飲
停積並生薑湯下夏月常服止渴利小便
雖飲水多亦不為害應是暑藥皆不及此

仲景

橘皮湯

活人名薑橘湯又名二賢湯治
乾嘔噦若手足厥者此方主之

橘皮

四兩

生薑

半觔

右二味以水七升煮取三升溫服一升下咽



即愈

乳和薑皮湯

即橘皮湯用牛乳一大盞煎熱去滓入生牛乳一大盞和服

治赤白下

痢神驗

仲景橘皮竹茹湯

即橘皮湯加竹茹大棗人參甘草治噦逆

海藏橘皮茯苓生薑湯

即橘皮湯加茯苓炙甘草一法加乾葛神曲半夏治

咳逆解酒毒止嘔吐一方無半夏為細末煉蜜丸如彈子大名大橘皮丸

海藏大橘皮湯

即橘皮湯加人參甘草理氣調中

元戎橘皮半夏湯

即橘皮湯加半夏治積氣痰痞不下飲食嘔吐不止



苓連二陳湯

即二陳湯加黃
苓黃連治熱痰

丁香二陳湯

即二陳湯加
丁香藿香

枳縮二涉湯

即二陳湯去陳皮
甘草加枳殼砂仁

倍米二陳湯

即本方加白米治脾胃
中有濕痰以致泄瀉

竹茹二陳湯

即本方加竹茹治胸中有熱
膈上有痰嘔吐不已薑煎

白朮湯

即二陳去橘紅加白朮板
榔治胃中虛損及吐痰

二朮二陳湯

即本方加白朮蒼朮治
嘔吐清水如注不已

潤下丸

即二陳去半夏茯苓治上而痰吐下
而痰瀉製法以橘紅二觔鹽水洗甘



草二兩
炙為丸

加味二陳湯

即本方加蒼朮枳殼薑黃
煎治酒麵積熱成痰手臂

痰攻眼腫
及身麻痺

二陳木通湯

即本方加水通滑石人參蘆
治關格飲食不下二便不通

桂附二陳湯

即本方加官桂附子薑棗煎
治寒癰但寒少熱多腰足冷

麥冬二陳湯

即本方加麥冬白朮當歸黃芩
治婦人肺火咳嗽嘔吐痰飲

白龍湯

即二陳去陳皮甘草
加礬治酒積有痰

香橘湯

即二陳去茯苓加炒香附薑棗
煎治七情所傷中脘不快痰氣

導痰湯

即二陳湯加枳殼南星生薑治風痰飲癖上攻頭目發作無時者

順氣導痰湯

即導痰湯加烏藥香附木香煎好入薑汁沉香服

芩連導痰湯

即導痰湯加黃芩黃連煎服

祛風導痰湯

即導痰湯加防風羌活白朮煎好入竹瀝薑汁服

寧神導痰湯

即本方加芩連遠志石菖蒲煎好入砂仁末三分竹瀝薑汁服

溫膽湯

即二陳湯加枳實竹茹生薑治病後虛煩不得眠及膽虛驚悸

滌痰湯

即二陳湯加枳殼桔梗南星竹茹人參石菖蒲治中風痰迷心竅舌強不

能言



香橘飲

即二陳湯加木香砂仁白朮治氣滯痰眩

加味茯苓湯

即二陳湯加人參益智香附治脾不攝涎痰迷心竅失事健忘

茯苓半夏湯

即二陳湯去甘草加麥芽神曲曰朮天麻生薑煎

複方

清氣化痰丸

即二陳湯合涼膈散清利氣頭目涼膈化痰清熱利氣

藿香養胃湯

即二陳湯合平胃散去茯苓加藿香治嘔吐

八解散

即二陳湯合平胃散與四君子湯去蒼朮加藿香治四時傷寒頭痛身熱

惡風多汗嘔吐惡心咳嗽痰滿痞悶

